



白蘭谷詞集序

樂府始於漢著於唐盛於宋大槩以情致為主秦晁賀
晏雖得其體然哇淫靡曷之聲勝東坡稼軒矯之以雄
辭英氣天下之趣向始明近時元遺山每遊戲於此掇
古詩之精英脩諸家之體制而以林下風度消融其膏
粉之氣白樞判寓齋序云裕之法度最脩誠為確論宜
其獨步當代光前人而冠來者也元白為中州世契兩
家子弟每舉長慶故事以詩文相往來太素即寓齋仲
子於遺山為通家侄甫七歲遭壬辰之難寓齋以事遠
適明年春京城變遺山遂挈以北渡自是不茹葷血人



問其故曰俟見吾親則如初嘗羅疫遺山晝夜抱持凡
六日竟於臂上得汗而愈蓋視親子弟不啻過既讀書
穎悟異常兒日親炙遺山謦欬談笑悉能默記數年寓
齋北歸以詩謝遺山云顧我真成喪家狗賴君曾護落
巢兒居無何父子卜築於濔陽律賦為專門之學而太
素有能聲號後進之翹楚者遺山每過之必問為學次
第常贈之詩曰元白通家舊諸郎獨汝賢未幾生長見
聞學問博覽然自幼經喪亂倉皇失母便有山川滿目
之歎逮宋亡恒鬱鬱不樂以故放浪形骸期於適意中
統初開府史公將以所業力薦之於朝再三遜謝棲遲

衡門視榮利蔑如也太素與予三十之舊亦汲會於江
東嘗與予言作詩不及唐人未可輕言詩平生留意於
長短句散失之餘僅一百篇願吾子序之讀之數過辭
語道嚴情寄高遠音節協和輕重穩愜凡當歌對酒感
事興懷皆自肺腑流出予因以天籟名之噫遺山之後
樂府名家者何人殘膏賸馥化為神奇亦於太素集中
見之矣然則繼遺山者不屬太素而奚屬哉知音者覽
其所作然後知予言之不為過太素名樸舊字仁甫蘭
谷其號云

至元丁亥春二月上休日正議大夫行御史臺中丞西


溪老人王博文子勉序

天籟詞卷上

春從天上來

至元四年恭遇聖節真定總府請作壽詞

樞電光旋應九五飛龍大造登乾萬國冠帶一氣陶甄
天眷自古雄燕喜光臨彌月香浮動太液秋蓮鳳樓前
看金盤承露玉鼎霏烟梨園太平妙選贊虎拜猊觴
鷺序鸛聯九奏虞韶三呼嵩嶽何用海上求仙但巖廊
高拱仄峽衍皇祚綿萬斯年快康衢擊壤同戴堯天
奪錦標



白

樸蘭谷著



奪錦標曲不知始自何時世所傳者惟僧仲殊一篇而已予每浩歌尋繹音節因欲效顰恨未得佳趣耳庚辰卜居建康暇日訪古采陳后主張貴妃事以成素志按后主既脫景陽井之厄隋元帥府長史高穎竟就戮麗華於青溪後人哀之其地立小祠：中塑二女郎次則孔貴嬪也今遺構荒涼廟貌亦不存矣感慨之餘作樂府青溪怨

霜水明秋霞天送晚畫出江南江北滿目山圍故國三閣餘香六朝陳蹟有庭花遺譜慘哀音令人嗟惜想當時天子無愁自古佳人難得惆悵龍沉宮井石上啼

痕猶點臙脂紅濕去：天荒地老流水無情落花狼籍恨青溪猶在渺重城烟波空碧對西風誰與招魂夢裏行雲消息

又

得友人王仲常李文蔚書

仲常名思廉仕元至翰林學士承旨

孤影長嗟憑高眺遠落日新亭西北幸有山河在眼風景留人楚囚何注儘紛華蝸角笑都翰林泉閑適澹悠悠流水行雲任我平生踪跡誰念江州司馬淪落天涯青衫未免沾濕夢裏封龍舊隱經卷琴囊酒樽詩筆對中天涼月且高歌徘徊今夕隴頭人應也相思萬里

梅花消息

水調歌頭

詠月

銀蟾吸清露白兔搗玄霜青天萬古明月中有物蒼
想是臨風丹桂費盡斫雲玉斧秋蓋自芬芳印透一輪
影吹下九天香 恠霜娥才二八減容光蛾眉几畫新
樣晚鏡為誰妝見說開元天子曾到清虛仙府一曲聽
霓裳何事便歸去空斷舞鸞腸

又

用前韻

明月復明月天宇淨新霜：中養就白兔未覺玉容蒼
照影來今往古圓缺陰晴幾度丹桂儼然芳遐想廣寒
露誰得一枝香 恍瑤臺飛寶鏡散重光蟾娥久餌靈
藥點出澹雲粧閑與風姨相聚不似天孫獨苦終日織
仙裳脉、望河鼓縈損幾柔腸

又

初至金陵諸公會飲因川壯州集成陽懷古韻
蒼烟擁喬木粉雉倚寒空行人日暮回首指點舊離宮
好在龍蟠虎踞試問石城鍾阜形勢為誰雄慷慨一樽
酒南北幾衰翁 賦朝雲歌夜月醉春風新亭何苦流

涕興廢古今同朱雀橋邊野草白鷺洲邊江水遺恨幾
時終喚起六朝夢山色有無中

又

諸公見廢前韻復自和數章戲呈

樓船萬艘下鍾阜一龍空臙脂石井猶在移出景陽宮
花草吳時幽徑禾黍陳家古殿無復戍樓雄更道子山
賦愁照白頭翁 記當年南北恨馬牛風降旛一片飛
出難與向來同璧月瓊枝新恨結綺臨春好夢畢竟有
時終莫唱後庭曲聲在淚痕中

又

感南唐故宮就槩括后主詞

南郊舊壇在北渡昔人空殘陽澹、無語零落故王宮
前日雕欄玉砌今日遺臺老樹尚想霸圖雄誰為埋金
地一作誰謂都屬賣柴翁 慨悲歌懷故國又東風不
堪往事多少回首夢魂同借到春花秋月幾換朱顏綠
鬢荏苒歲華終莫上小樓上愁滿月明中

又

前題

朝花幾回謝春草幾回空人生何苦奔競勘破大槐宮
不入麒麟畫裏却喜鱸魚江上一宅了揚雄且飲建業

水莫羨富家翁 玩青山歌赤壁想高風
兩翁今在何許喚起一樽同繫住天邊
白日抱得山間明月我亦遂長終何必翳
鸞鳳遊戲太虛中

又

咸陽懷古復用前韻

鞭石下滄海 內漸成空君王日夜為樂
高枕望夷宮方嘆東門逐兔又慨中原失
鹿草昧起群雄不待素靈哭已識斬蛇翁
笑重瞳徒叱咤凜生風阿房三月焦土有
罪與秦同秦固亡人六國楚復絕秦三世
萬世果誰終我欲問天道政在不言中

又

擬游茅山贈心遠提點

三峰足雲氣萬壑散秋聲茅君曾此成道
山與地俱靈遙望蒼松紫檜疑是烟幢霧
蓋冉冉下青冥鸞鶴故山旁香火歲時情
洞天開丹電冷有遺經華陽自古招隱飛
鍊得長生慚愧山中宰相便許綸巾鶴氅
相對聽吹笙何處滄浪水吾亦濯塵纓

又

冬至同行臺王子勉中丞韓君美侍御霍清夫治
書登周處讀書臺過古鹿苑寺

天籟言
卷上
五
踈雲黯霧樹秋潦淨寒潭徘徊子隱臺下不見舊書龕
鹿苑空餘蕭寺蟒穴誰傳郝氏聊此問瞿曇千古得欺
妄一笑莫窮探 俯秦淮山倒影浴層嵐六朝城郭如
故江北到江南三十六陂春水二十四橋明月好景入
清談未醉更呼酒欲去且停驂

又

丙戌夏四月八日夜夢有人以三元秘秋水五言
謂予語三元之義曰上中下也恍惚玩味可作水
調歌頭首句恨秘字之義未詳後從相國史公歡
游如平生俾賦樂章因道此句但不知秘字何義

公曰秘即封也甫一韻而寤後三日成之以識其
義

三元秘秋水口口口口口天人點破消息夢裏悟南華
河伯徒誇秋水口口口歸毫末一笑井中蛙試問漆園
吏誰是大方家 口黃鍾推甲子定無差悠々天理人
事風外萬飛沙且弄空山明月自薦寒泉秋菊睡起漱
朝霞更欲辨齊物銀海眩生花

又

予既賦前篇一日舉似京口郭義山義山曰此詞
固佳且詳夢中所得之句元者應謂水府今止詠

甲子及秋水篇事恐未盡也因請再賦

三元秘秋水秋水一何多江流滾滾無盡淮漢入包羅
遙想靈官神府坐閱潮頭風怒萬里瞰蒼波浩蕩沒鷗
鷺噴薄出蛟鼉馬當山牛渚渡幾人過金鰲下瞰京
口舟楫避盤渦始信林生濤雨一濯黃泥盡許無奈早
苗何我欲洗兵馬誰解挽天河

又

予兒時在遺山家阿姊嘗教誦先叔放言古今忽
白首感念之餘賦此詞云

韓非死孤憤虞叟坐窮愁懷沙千古遺恨郊島兩詩囚
堪笑井蛙裙虱不道人生能幾肝肺自相讎正有一朝
樂不抵百年憂笑悠悠江上水自東流紅顏不暇一
惜白髮忽盈頭我欲拂衣遠引直上嵩山絕頂把酒勸
浮丘藉此兩黃鵠浩蕩看齊州

又

北風下庭綠容鬢入霜華回首北望鄉國雙淚落清笳
天地悠逆旅歲月匆過客吾也豈匏瓜四海有知
已何地不為家五溪魚千里菜九江茶從他造物留
住辨作老生涯不願酒中有聖但願心頭無事高枕卧
烟霞晚節憶吹帽籬菊漸開花

又

至元戊寅為江西呂道山參政壽

香風萬家曉和氣九江春朝回冠蓋得意玉季和金昆
屈指登高舊節側耳稱觴新語採菊舊芳樽南土愛王
粲東閣壽平津節龍香符虎重印龜新弓刀千騎如
水曾為下南閩墻下陰：桃李庭下輝：蘭玉一笑指
莊椿更看濟時了高卧道山雲

又

十月海棠

金盤薦華屋銀燭照紅粧歡遊曾得多少風雨遂春忙

只道神仙漸遠爭信情緣未斷自有返魂香萬木盡搖

落穠豔又芬芳憶真妃春睡足按霓裳馬嵬山下回

首野日澹無光不避山茶小雪似愛江梅新月踈影伴

昏黃誰喚河呂

一云疑是阿嬌

起呵手染湘霜

湘與胭同是中州集王予可詞

自注謂脂粉也

又

夜醉西樓為楚英作

雙眸剪秋水十指露春葱仙姿不受塵汗縹緲玉芙蓉
舞徧柘枝遺譜歌盡桃花團扇無語到東風此意復誰
解我輩正情鍾喜相從詩卷裏酒杯中纏頭安用百

萬自有海犀通日、東山高興夜、西樓好夢斜月小
簾櫳何物寫幽思醉墨錦箋紅

水龍吟

丙午秋到維揚途中值雨甚快然

短亭休唱陽關柳絲惹盡行人怨鴛鴦隻影荷枯葦澹
沙寒水淺紅綬雙銜玉簪中斷苦難留戀更黃花細雨
征鞍催上青衫淚一時濺回首孤城不見黯秋空去
鴻一線情緣未了誰教重賦春風人面闌草閑庭採香
幽徑舊曾行遍漫今宵酒醒無言有恨、天涯遠

又

么前三字用仄者見田不伐洋嘔集水龍吟二首
皆如此曲妙於音蓋以無疑或用平字恐不堪
協雲和署樂工宋奴伯婦王氏以洞簫合曲宛然
有承平之意乞詞於予故作以贈會好事者為王
氏寫真末章及之

綵雲簫史臺空洞天誰是驂鸞伴傷心記得開元遊幸
連昌別館力士傳呼念奴供唱阿郎吹管悵無情一枕
繁華夢覺流年又暗中換邂逅京都兒女歡遊遍畫
樓東畔尊前一曲餘音嫻、驪珠相貫日落邯鄲月明
燕市儘堪腸斷倩丹青細染風流圖畫寫崔微半

又

送史總帥鎮西川時來混一

壯懷千載風雲玉龍無計三冬卧天教喚起崢嶸才器
人稱王佐豹畧深藏虎符榮佩君恩重荷香旌旗動色
軍容一變蜀昱展先聲播我望金陵王氣儘消磨區
區江左樓船萬艣瞿塘東瞰徒橫鐵鎖八陣名成七擒
功就南夷膽破待他年畫像麒麟閣上為將軍賀

又

九月四日為江州總管楊文卿壽

鴈門天下英雄策勲宜在平吳後金符佩虎青雲飄蓋

名藩坐守千里江皋一時淮甸掃清殘寇看人歸厚德
天垂餘慶階庭畔芝蘭秀我望戟門名畫氣佳哉危
亭新構年：此夕風流長占中秋重九丹桂留香綠橙
供味碧萸催酒有廬山絕頂蒼：五老贊君侯壽

又

登岳陽樓感鄭生龍女事譜大曲薄媚

洞庭春水如天岳陽樓上誰開宴飄零鄭子危闌倚遍
山長水遠何處蘭舟彩霞浮樣笙簫一片有蛾眉起舞
含嚔凝睇分明是舊仙媛風起魚龍浪捲望行雲飄
然不見人生幾許悲歡離聚情鍾難遣問道當時汜人

能誦招魂九辯又何如乞我輕綃數尺寫湘中怨

又

九日同諸公會飲鍾山望草堂有感

倚天鍾阜龍蟠四時青壁雲烟潤陂陀千里蒼髯夾路
清風緩引蘭若西邊草堂別崦遺基猶認自猿驚鶴怨
山人去後誰更向此中隱 獨愛丹崖碧嶺枕平川人
家相近登臨對酒茱萸香細莓苔坐穩老計菟裘故應
來領林泉佳趣怕烟霞笑我塵容俗狀把山靈問

又

送張大經御史就用公九日韻兼簡盧處道副使

使寧國賈按察司時 盧號疎齋

繡衣攬轡西行慨然有志人知否江山好處留連光景
一杯別酒世事無端惱人方寸十常八九對霜松露菊
荒寒三徑等閒又登高後 問訊宣城太守幾裁詩畫
堂清畫山長水闊思君不見踟躕搔首却羨行雲暫留
還去無心出岫笑窮途歲晚江頭送客唱青、柳

又

遺山先生有醉鄉一詞僕飲量素慳不知其趣獨
閒居嗜睡有味因為賦此

醉鄉千古人行看來直到無何地如何物外華胥境界

生平夢寐驚馭翩、蝶魂栩栩、俯觀群蟻恨周公不見
莊生一去誰真解黑甜味 聞道希夷高卧占二峰華
山重翠尋常羨殺清風嶺上白雲堆裏兀負平生笑來
惟有日高春睡有林間剝啄忘機幽鳥喚先生起

附和

曹光輔教授凡和三十首不能盡錄姑記其一云
世間清苦禪和了心才到安閑地藜牀兀、經年打
坐頽然假寐却甚林邊偶聞牛鬪不知喧蟻怪藤條
臨濟飢冷困卧方會得箇中味 争似橫江橫上入
簾櫳好山供翠悠、萬事從今都付黃梁炊裏朝暮

又 陰晴定應不廢平生甘睡笑傍人問我何當夢覺為蒼生起

又 用前韻贈答元輔

倚欄千里風烟下臨吳楚知無地有人高枕樓居長夏
晝眠夕寐驚覺游仙紫毫吐鳳玉觴吞蟻更誰人似得
淵明太白詩中趣酒中味 慚愧東溪處士待他年好
山分翠人生何苦紅塵陌上白頭浪裏四壁牕明兩盃
粥罷暫時打睡儘聞鷄祖逝中宵狂舞蹴劉琨起

又

予始賦睡詞諸公賡和三十餘首一日友人王父

卿携者來訪話及梁園舊遊因感其事復用前韻
萬金不買青春老來可惜歡娛地有時記得江樓深夜
解鞍留寐蘭焰噴紅寶香薰麝玉醅芻蟻更誰能細說
當年風韻江瑤柱荔枝味 漂泊江湖萬里渺難尋探
芳拾翠何心更到折枝圖上賣花聲裏蓬髮刁騷角巾
歌墮枕書聊睡恨匆々未辨尊鱸歸棹又秋風起

念奴嬌

題鎮江多景樓用坡仙韻

江山信美快平生一覽南州風物落日金焦溪紺宇鐵
甕猶殘城壁雲擁潮來水隨天去幾點沙鷗雪消磨不
盡古今天寶人傑 遙望石塚嶼然參軍此葬萬劫誰
能葬桑梓龍荒驚嘆後幾度生靈埋滅往事 休論酒
杯纔近照見星々髮一聲長嘯海門飛上明月

又

中秋效郭敬齋體每句用月字

一輪月好正人間八月涼生襟袖萬古山河歸月影表
裏月明光透月桂婆娑月香飄蕩修月香人手深沈月
殿月娥誰念消瘦 今夕乘月登樓天低月近對月能
無酒把酒長歌邀月飲明月正堪為友月白人圓月和
人醉月是承平舊年々賞月願人如月長久

又

中秋重九人間佳節也古今賦詠固多予早年嘗
 記僧仲璋九日述懷一篇與此篇格相同恐歲久
 無傳就附於此其詞云
仲璋俗姓閻法諱志蓮號
 山泉道人落魄嗜酒滑稽
 玩世頗為
 時人所愛

消磨九日筭年、惟有黃花白酒把酒簪花能有幾七
 十光陰回首人壽難期酒杯有限花色應如舊花釀
 酒釀問君著甚消受 彭澤千古英魂有花能折有
 酒能傾杏萬事悠、輸一醉花酒休教離手明月西風
 闌珊酒盡憔悴花枝瘦酒腸花眼正宜年少時候

又

江湖落鬼鬢成絲遙憶揚州風物十里樓臺簾半捲玉
 女香車鈿壁后土祠寒唐昌花盡誰弄瑤枝雪山川良
 是古來消盡雄傑 落日烟水茫、孤城殘角怨入清
 笳簇岸樣扁舟人不寐柳外漁燈明滅半夜潮來一帆
 風送凜、森毛髮來流東下玉簫吹落殘月

又

壬戌秋泊漢江鴛鴦灘寄贈

露團漸冷又今年辜負中秋明月誰念江中憔悴我夢
 斷芙蓉城闕燕子東歸鴻賓南下滿眼蘆花雪行人何

處也應珠淚凝睫 常記樓上歌聲一尊酒盡默、無
言別恨殺鴛鴦灘下水不寄題詩紅葉聚淚鮫綃畫眉
螺黛總在歸時節百年心事等閑休向人說

滿江紅

題呂仙祠飛吟亭壁用馮經歷韻

雲外孤亭空悵望烟霞仙客還試問飛吟詩句為誰留
別三入岳陽人不識浮生擾、蒼蠅血道老精知向樹
陰中曾來歇 松稗在虬枝結皮溜雨根盤月恨還丹
不到後來豪傑塵世千年翻甲子秋空一劍橫霜雪待
他時携酒赤城遊相逢說

又

用前韻留別巴陵諸公時至元十四年冬

行遍江南美只有青山留客親友間中年哀樂幾回離
別碁罷不知人換世兵餘猶見川流血嘆昔時歌舞岳
陽樓繁華歇 寒日短愁雲結幽故壘空殘月聽閣闌
談笑果誰雄傑歌枕總移孤館雨扁舟又泛長江雪要
烟花三月到揚州逢人說

又

庚戌春別燕城

雲鬢犀梳誰得似錢塘人物還又喜小牕虛幌伴人幽

獨薦枕恰疑巫峽夢舉杯忽聽陽關曲問淚痕幾度
羅巾長相續南浦遠歸心促春草碧春波綠黯銷魂
無際後歡難卜拭手牕前機織錦斷腸石上簪磨玉恨
馬頭斜月減清光何時復

又

重陽後二日王彥文并利用秦山甫相過小飲利

亦姓王字國賓贈柱
國中書平章政事

過了重陽寒慘、秋陰連日尚何事滿城風雨漏天如
泣點染一林紅葉暗飄蕭三徑黃花濕聽敲門忽有客
三人來相覓時節好誇橙橘兒女喜分棗栗罄一尊

聊慰老懷岑寂想像曾來神女賦傷心似失文通筆破
殘年催釀酒如川長鯨吸

又

同鄭都事復用前韻退訖所租學田

費盡長繩繫不住西飛白日客牕外滿庭秋草露蛩寒
泣酒後看花空眼亂花前把酒從衣濕要一屢歸老作
菟裘何難覓仙客老巴園橘封萬戶燕山栗且栽培
孤竹伴人孤寂豈有梁鴻高世志也無司馬題橋筆便
與君同訪洞庭春和雲吸

瑞鶴仙

登金陵烏衣園來燕臺

夕陽王謝宅對草樹荒寒亭臺歌側烏衣舊時客渺雙
飛萬里水雲寬窄東風羽翅也迷當時巷陌向尋常百
姓人家辜負幾回春色 悽惻人空不見畫棟樓香繡
簾窺額雲兜霧隔錦書至付誰折劉郎只見金陵興廢
贈得行人鬢白又爭如復到玄都免葵燕麥

摸魚子

七夕用嚴柔濟韻

問雙星有情幾許消磨不盡今古年：此夕風流會香
暖月牕雲戶聽笑語知幾處彩樓瓜果祈牛女蛛絲暗

度似拋擲金梭縈回錦字織就舊時句 愁雲暮漠：
蒼烟桂樹人間心更誰訴擘釵分鈿蓬山遠一樣絳河
銀浦烏鵲渡離別苦啼妝灑盡新秋雨雲屏且駐筭尤
勝嫦娥倉皇奔月只有去時路

又

真定城南異塵堂同諸公晚眺

敞青紅水邊牕外登臨元有佳趣薰風蕩漾昆明錦一
片藕花無數纔欲語香暗度紅塵不到蒼烟渚多情鷗
鷺儘翠蓋搖殘紅衣落盡相與伴風雨 橫塘路好在
吳兒越女扁舟幾度來去採菱歌斷三湘遠寂寞岸花

汀樹天已暮更留看飄然月下凌波步風流自許待載
酒重來淋漓醉墨為寫洛神賦

又

秋仲一日李具瞻侍御偕予過天慶觀訪蒲敬之
都事既而登冶城藉草於蒼：萬玉中觴詠樂甚
道官王默墮者在焉且盟其兩柏森立間構亭為
遊目騁懷之所翌日賦此記一時之槩耳

望參差冶城烟樹故人知在琳宇繡衣來就論文飲酒
隨意割雞炊黍歡樂處忘爾汝清談况有神仙侶一杯
緩舉放遠目增明遙岑出翠俯仰幾今古
紅塵夢不

到丹臺紫府尋真偶得佳趣兩株翠柏參天起千畝渭
川烟雨君已許向此地結亭為我開牕戶朝來暮去待
細攬烟霞平分風月揮洒錦囊句

又

用前韻送敬之蒲君卜居淮上敬之自翰苑蘄黃
道宣慰幕官

聽西風細吟亭樹秋聲先到衡宇季鷹千里尊鱸興更
喜范張鷄黍傾蓋處慚愧汝高樓不減烟霞侶匏尊笑
舉對得意江山忘懷風月醉眼玩今古
鑿坡客又向
紅蓮幕府田園何日成趣九重聞道思賢佐恐要濟時

霖雨天若許從所好結廬相就開蓬戶山人休去怕蕙
帳空懸猿驚鶴怨貽笑草堂白

又

復用前韻

問誰歌六朝玉樹當年春滿庭宇歌殘夜月西風起吹
動一川禾黍愁絕處 汝姑蘇麋鹿成羣侶清樽漫
舉對澹、長空蕭、喬木慷慨吊今古 生平苦走遍
南州北府年來頗得幽趣綠簑青笠渾無事醉卧一天
風雨秋幾許沙渚上漁樵小隱隨編戶扁舟脫去望綺
散餘霞江澄淨練還愛謝公句

天籟詞卷上

天籟集卷下

沁園春

金陵鳳凰臺眺望

白 樸蘭谷著

獨上遺臺目斷清秋鳳兮不還悵吳宮幽徑埋深花草
晉時高塚鎖盡衣冠橫吹聲沉騎鯨人去月滿空江鴈
影寒登臨處且摩挲石刻徒倚欄杆 青天半落三山
更白鷺洲橫二水間問誰能心比秋來水靜漸教身侶
嶺上雲閒擾：人生紛：世事就裏何常不強顏重回
首怕浮雲蔽日不見長安

又

保寧佛殿即鳳凰臺太白留題在焉宋高宗南渡嘗驛駐寺中有石刻御書王荆公贈僧詩云紛擾三十年間世事何常不強顏亦欲心如秋水靜應須身似嶺雲閒意者當時南北擾攘國家蕩析磨盾鞍馬間有經營之志百未一遂此詩若有深契於心者以自況予暇日來遊因演太白荆公詩意亦猶稼軒水龍吟用李延年淳于髡語也

我望山形虎踞龍盤壯哉建康憶黃旗紫蓋中興東晉雕欄玉砌下逮南唐步金蓮朝璫樹宮殿吳時花

草香今何日尚寺留蕭姓人做梅粧長江不管興亡謾流盡英雄淚萬行問烏衣舊宅誰家作主白頭老子今日還鄉吊古愁濃題詩人去寂寞高樓無鳳凰斜陽外正漁舟唱晚一片鳴榔

又

夜夢就樹摘桃噉之於中一枚甘苦覺而異之因為之賦

渺：吟懷望佳人兮在天一方問鷓鴣九萬扶搖何力蝸牛兩角蠻觸誰強華表鶴來銅盤人去白日青天夢一場俄然覺正醯鷄舞瓮野馬飛隄徜徉玩世何妨

更誰道狂時不得狂，羨東方臣朔從容帝所西。真阿母
喚作兒郎一笑人，間三遊海上畢竟仙家日月長。相隨
去想蟠桃熟後也，許偷嘗。

又

監察師巨源時辟予為政司，讀嵇康與山濤書有
契於予心者，就譜中辭書謝之。

自古賢能壯哉飛騰，老來退閒念一身九患。天教寂寞
百年孤憤，日就衰殘。麋鹿難馴，金鑣縱好，志在長林豐
草間。唐虞世也曾聞巢許遁跡箕山。越人無用殷冠，
怕機事纏頭，不耐煩對詩書滿架。子孫可教琴樽一室。

親舊相歡，况屬清時得延殘喘。魚鳥溪山任往還。知
否有絕交書在，細與君看。

又

送按察司合道公赴浙東任

玉節星輅十道監司，治稱最優甚惠。風纔到豚魚亦信，
清霜未降，狐兔先愁。鎮靜洪都，澄清白下，又過東南第
一州。雲烟底看山崑競秀，萬壑爭流。離筵無計相留，
謾慷慨中年白髮稠。記瑠花照眼，忙催詩筆，松燈促座
笑遮觥籌。放浪形骸，欣於所遇，負我蘭亭共一遊。心期
在想山陰興盡，和月回舟。

又

十二月十四日為平章呂公壽

蓋世名豪壯歲鷹揚擁兵上流把金湯固守精誠貫日
衣冠不改性氣橫秋北闕絲綸南朝家世好在雲間建
節樓平章事便急流勇退黃閣難留 菟裘喜逐歸休
着宮錦何妨萬里遊似謝安笑傲東山別墅鳴夷放浪
西子扁舟醉眼乾坤歌鬢風霧笑折梅花插滿頭千秋
歲望壽星光彩長照南州

又

呂道山右丞覲回過金陵別業至元丙子予識道

山於九江今十年矣

流水高山獨許鍾期最知伯牙愧我投木李得酬瓊玖
人驚玉樹有倚蕙葭風雨十年江湖千里望美人兮天
一涯重携手似仲宣去國江令還家 門前柳拂堤沙
便好繫天津泛斗槎看金鞍鬧簇花邊置酒玉盃旋洗
竹裏供茶朱雀橋荒烏衣巷古莫笑斜陽野草花寒食
近美人生行樂少住為佳

風流子

丁亥秋復得仲常書有楚星燕月千里相望何時
會合以副舊遊之語就譜此曲以寄之

花月少年場嬉遊伴底事不能忘
楊柳送歌晴分春色
天桃凝笑閒賞天香綺筵上
酒杯金潑灑詩卷墨琳瑯
閑裊玉鞭管珂里醉携紅袖燈火夜行
回首事堪傷
溫柔處竟流落江鄉惆悵鬢絲禪榻
眉黛吟牕甚社燕
秋鴻十年無定楚星燕月千里相望
何日故園行樂重
會風光

燭影搖紅

前事用呂東牕韻

三尺枯桐古來長恨知音少
玉簫吹斷鳳樓雲此恨何時了
落日飛鴻聲
悄長江離魂浩渺
贈環留能結運

合心同知誰表
風雨紅稀夢回別院鶯啼曉
一生辜負看花心
惆悵人空老
待訪還丹瑞草
駕飈輪蓬萊去
好又愁滄海恍惚塵揚難尋仙島

木蘭花慢

燈夕到維揚

壯東南形勝淮吐浪海吞潮
記此日江都錦帆巡幸
汴水迢迢迷樓故應不見
瓊花底事也香銷興廢幾更
王霸是非總付漁樵
誰能十萬更纏腰
鶴馭儘飄
正繡陌珠簾紅燈鬧影
三五良宵春風竹西亭上
拚淋漓一醉解金貂
二十四橋明月玉人何處吹簫

又

聽鳴騶入谷怕驚動北山猿且放浪形骸支持歲月點
 檢田園先生結廬人境竟不知門外市塵喧醉後清風
 到枕醒來明月當軒 伏波勛業照青編薏苡又何冤
 蕞爾倭奴抗衡上國挑禍中原分明一盃碁勢謾教
 人著眼看師言為問鷓鴣輪海何如鷄犬桃源

又

覃懷北賞梅同叅政西庵楊文和與敦周鄉府判

韻

記羅浮仙子儼微步過山邨正日暮天寒明妝澹眼來

又

伴清尊行雲黯然飛去悵參橫月落夢無痕翠羽嘈
 樹杪玉鈿隱：墻根 山陽一氣變冬溫真實不須論
 滿竹外幽香水邊踈影直徹蘇門彷彿對花終日拚淋
 漓襟袖醉昏：折得一枝在手天涯幾度消魂

復用前韻代友人宋子治賦

望丹東沁北澹流水遠孤邨對幾樹踈梅十分素艷一
 曲芳尊誰堪歲寒為友伴仙姿孤瘦雪霜痕翠竹森
 挹節蒼松落：盃根 銅瓶水滿玉肌溫此意與誰論
 漸月冷芸牕燈殘紙帳夜悄衡門傷心杜陵老眼細看

來只似霧中昏，賴有清風破鼻暗。香浮動吟魂。

又

王彥立所居南口傍真隱庭中新作盤池同諸公

賦

渺高情公子得真隱，信悠哉占上下壺天中間隙地鑿。
破莓苔移將鑑湖寒影放，微風灑翠奩開便有一番。
荷芰都無半點塵埃，夜深明月晃閒階，不負小亭臺。
儘羅袖盛香碧筒吸露一洗胸懷，紅蓮故家幕府看新。
詩題詠滿南齋好聽瀟瀟風雨，老夫從此須來。

又

丙子冬寄隆興呂道山左丞

憶元龍湖海尊俎地，笑談間儘畫燭寒燒紅螺細捲沉。
醉更闌西風數聲笳鼓，悵匡廬山下送征鞍，秋水蘋花。
漸老曉霜楓葉初丹，滕王高閣倚江干，極目楚天間。
想畫棟珠簾朝雲南浦暮雨，西山天涯倦遊司馬更幾。
時携手一憑闌，別後相思何處月明千里鄉關。

又

戊子秋送合道監司赴任秦中兼簡程介甫按察

倦區區遊宦，便回棹謝山陰，笑難似君侯。尊鱸有味，富
貴無心，匆又移玉節，恨相思何處更相尋。渭北春天

天集言 卷一
樹遠江東日暮雲深 岼花檣燕動悲吟把酒惜分襟
問玉井蓮開三峰絕頂誰共登臨長安故人好在憶元
龍名重古猶今說與英雄湖海應憐枯槁山林

又

已丑送 紹開王仲謀兩按察赴浙右閩中任時
浙憲置司於平江故有向吳亭之句

擁煌、雙節九萬里入鵬程愛人物鄒枚文章李杜海
內聲名相逢廣陵陌上恨一尊不盡故人情歲月奔馳
飛鳥交游聚散浮萍 出門一笑大江橫馬首向吳亭
且分路揚鑣七閩雨浙得意澄清江山剩供詩否想徘徊

徊南斗避文星留著調元老手却來同佐昇平

又

歌者樊娃索賦

愛人間尤物信花月與精神聽歌串驪珠聲勻象板咽
水縈雲風流舊家樊素記櫻桃名動洛陽眷千古東山
高興一時北海清尊 天公不禁自由身放我醉紅裙
想故國邯鄲業臺老樹儘賦招魂青山幾年無恙但淚
痕差比向來新莫要琵琶寫恨與君同是行人

又

為樂府宋生寫賦宋子壽香燕城好事者為渠寫

真手撚茶藤二枝

展春風圖畫恍人世有神仙愛手撚茶藤香閒韻遠躡
袖垂肩東郵幾日親見意丹青無地著婵娟杏臉紅生
曉暈柳眉翠點春妍舞衫歌扇綺羅筵還我舊因緣
儘金縷新聲烏絲醉墨共惜流年、來茂陵多病更玉
琴淒斷鳳鸞絃留得一枝春在不妨總倒尊前

又

快人生行樂捲江海入瑤觴對滿眼韶華東城南陌日
日尋芳吟鞭自隨驕馬殢春風指點杏花墻時聽鶯啼
婉轉幾回蝶夢悠揚行雲早晚上巫陽白地惱愁腸

待玉鏡臺邊銀燈影裏細看濃妝風情自憐韓壽恨無
緣得佩賈克香說與殷勤青鳥暫時相見何妨
又

感香囊悼雙文

覽香囊無語漫流淚濕紅紗說戀、成歡匆、解佩不
忍忘他消殘半襟蘭射向繡茸詩句映梅花踈影橫斜
何處暗香浮動誰家春霜底事掃濃華埋玉向泥沙
嗟物是人非虛迎桃葉誰偶匏瓜西風楚詞歌罷料芳
魂飛作碧天霞鏡裏舞鸞空在人間後會無涯

玉漏遲

故園風物好芳尊日、花前傾倒南浦傷心望斷綠波
春草多少相思淚點筭只有青衫知道殘夢覺無人解
我厭、懷抱 懊惱楚峽行雲儘賦畫高唐後期誰報
玉杵玄霜著意且須重搗轉眼梅花過也又屈指春殘
燈闌妝鏡曉應念畫眉人老

又

段伯聖同余留滯九江其歸也別侍兒睡香予亦
有感

瑞香花正吐誰交付與東君為主夢覺廬山一片綠雲
何所惆悵留題在壁麝墨染無窮愁緒常記取徘徊顧

影燈前低語

幾許款密留情繫絆煞

世間兒女

淪落天涯夜、月明湓浦速我青衫淚滿料不忍孤帆
東去離思苦休唱渭城朝雨

又

碧梧深院悄清明過也秋千閑了楊柳陰中又是一番
啼鳥人去瑤臺路遠辜負却花前歡笑音信杳西樓盡
日凭闌凝眺 縹緲霧閣雲牕恨夢斷青鸞夜深寒悄
簷玉猷殘捱得五更風小麝炷金猊燼冷畫燭短銀屏
空照芳徑晚惆悵落紅多少

江梅引

一溪流水隔天台小桃栽為誰開應念劉郎早晚得重
來翠袖天寒憔悴損倚修竹殘紅墮綠苔 怨極恨極
愁更哀甚連環無計解伯勞分背燕飛去雲樹蒼崖千
里何處托幽懷温嶠風流還自許後期杳塵生玉鏡臺

秋色橫空

賦虞美人草本名玉苒墜金環秋色橫空蓋前人

詞首句遺山用以為名

兒女情多甚千秋萬古不易消磨拔山力盡垓下困英
雄尚擁兵戈含紅淚顰翠蛾拚血污遊魂逐太阿草也
風流猶弄舞態婆娑 當時夜聞楚歌歎烏騅不逝恨

滿山河匆：玉帳人東去耿：素志無他黃陵廟湘水
波記染竹成斑泣舜娥又豈止虞子無可奈何

又

順天張侯毛氏以早梅命題索賦時壬子冬

搖落初冬愛南枝迥絕暖氣潛通金章睡起宮粉褪新
妝澹：丰容冰蕤瘦蠟蒂融便自有條然林下風肯羨
蜂喧蝶鬧艷紫妖紅 何處對花興濃向藏春池館透
月簾櫳一枝鄭重天涯信腸斷驛使相逢關山路幾萬
重記昨夜筠筒和淚封料馬首幽香先到夢中

石州慢

丙寅九日期楊翔卿不至書懷用少陵詩語

千古神州一旦陸沈高岼深谷夢中鷄犬新豐眼底姑
蘇麋鹿少陵野老杖藜潛步江頭幾回飲恨吞聲哭歲
暮意何如怯秋風茅屋幽獨療飢賴有楚萍煖老尚
須燕玉白璧微瑕難把閑情拘束草深門巷故人車馬
蕭條等閑瓢棄尊無綠風雨近重陽滿東籬黃菊

鳳皇臺上憶吹簫

笳鼓秋風旌旗落日使君威震雄邊羨指麾貔虎斗印
腰懸畫道多益辨仗玉節毫邑新遷江淮地三軍耀
武萬竈屯田幾回畫戟門庭珠履賓筵

慣雅歌堂上起舞尊前况是稱觴令節望醉鄉有酒如
川明年看平吳事了圖像凌烟

滿庭芳

屢欲作茶詞未暇也近選宋名公樂府黃賀陳三
集中凡載滿庭芳四首大槩相類各有得失復雜
用無寒刪先韻而語意若不倫僕不揆狂妄合三
家奇句試為一首必有能辯之者

雅讌飛觴清談揮麈主人終夜留歡密雲雙鳳碾破縷
金團品香泉味好須臾看蟹眼湯翻銀瓶注花浮兔
椀雪點鷓鴣斑雙鬟微步穩春纖擎露翠袖生寒覺

清風扶我醉玉顏 照眼紅紗 吟鞭送月滿吟
鞍歸來晚芸牕未寢相伴卸妝殘

綠頭鴨一名多麗

洞庭懷古

黯消魂楚天風物淒清過黃陵山長水遠古今遷客傷
情渺澄波聚魚曲港浣紗人去掩柴荆湘庭晚荻花風
細秋月照茅亭一壺酒澆平磊硯問甚功名 買扁舟
安排歸去五湖烟景誰爭等閑携弄 西子恍忽遇鼓
瑟湘靈看盡嬌顰聽殘雅奏暮雲江上數峰青柁樓底
香芹鮮鯽還似越中行閑身好浮家泛宅聊寄平生

永遇樂

至元辛卯春二月三日同李景安提舉遊杭州西湖

二月西湖四時烟景誰暇遊遍紅袖津樓青旗柳市幾
處簾爭捲六橋相望蘭橈不斷十里水晶雲殿夕陽下
笙歌人散唱徹采菱新怨 金明老假華胥春夢腸斷
故都池苑和靖亭前蘇公堤上漫把梅花撚青衫儘奈
濛濛雨濕更著小蠻針線覺平生扁舟歸興此中不淺

賀新郎

喜氣軒眉宇 盧郎風流年少玉堂平步車騎雍容光

華遠不似黃梁逆旅抖擻盡貂裘塵土便就莫愁雙槳
去待經過蘇小錢塘渡畫圖裏看烟雨一樽邂逅歌
金縷望晴川鑪峯瀑布浪花湓浦老我三年江湖客幾
度登臨弔古悵日暮家山何處別後船頭虹貫日想君
還東觀圖書府天咫尺聽新語

沁園春

夜枕無夢感子陵太白事明日賦此

千載尋盟李白扁舟嚴陵釣車故人偃蹇足加帝腹
將軍權幸手脫公靴星斗名高江湖迹在爛熳雲山幾
處遮山光裏有紅鱗旋斫白酒從賒龍蛇起陸曾嗟

且放我狂歌醉飲此甚人生貧賤剛求富貴天教富貴
却逞驕奢乘興而來造門即返何必親逢安道耶兒童
笑道先生醉矣風帽欹斜

讌瑤池

本名八聲甘州樂府八聲甘州名頗俚鄙予愛其
法雅健因採東坡戚氏一篇稍架槩括便就新翻
仍改其名

玉龜山阿母統群仙幽閑志蕭然有金城千里瓊樓十
二紫翠霏烟穆滿當時西狩八駿戲芝田駐蹕瑤池上
命賜華筵天樂雲璈鼎沸眉飛瑤舞態醉飲留連漸

月斜河漢霞綺布晴天望神州東回玉輦杏花風數里
響鳴鞭長安近依稀柳色翠點秦川

垂楊

壬子冬薄遊順天張侯毛氏之兄正卿邀予往拜
夫人既而留飲撰詞一詠梅以玉耳墜金環歌之
一送春以垂楊歌之詞成惠以羅綺四端夫人大
名路人能道古今雅好客自言幼時有老尼年幾
八十嘗教以舊曲垂楊音調至今了然事與東坡
補洞仙歌詞相類中統建元壽春榷場中得南方
詞編有垂楊三首其一乃向所傳者然後知夫人

真承平家世之舊也

關山杜宇甚年、喚得韶光歸去怕上高城望遠烟水
迷南浦賣花聲動天街曉總吹入東風庭戶正紗牕濃
睡覺來驚翠蛾愁聚一夜狂風橫雨恨西園媚景匆
匆難駐試把芳菲點檢鴛燕渾無語玉纖空折梨花撚
對寒食厭、心緒問東君落花誰是主

西江月

白石空銷戰骨清泉不洗飛埃五雲多處望蓬萊鞭石
誰能過海一夕神遊八表衆星光拱三台天公元不
棄非才坐我金銀世界

又

郭祐之得雄渠即賈治中壻

天上靈椿未老月中丹桂初花充閭佳慶儘堪誇聖善
元來姓賈 廣座平分玉果絳羅剝拂丹砂從今人說
細侯家自有青衫竹馬

又

過隙光陰流轉還丹歲月綿延幾人青髻對長年且闔
時間康健 四海率歸英主三山免化飛仙大家有分
占桑田近日蓬萊水淺

又

九江送劉牧之同知之杭

我自紉蘭為佩君方剖竹分符才情風調有誰如彷彿
三生小杜 置酒昔登峴首題詩今對匡廬青衫恨不
到西湖共濕黃梅細雨

又

李元讓赴廣東帥幕

皎々風前玉樹煌々腰下金符陳琳檄草右軍書香滿
紅蓮幕府 政自雄心撫劍不妨雅唱投壺長纓繫越
在須臾看掃蠻烟瘴雨

又

漁父

世故重、厄網生涯小、漁船白鷗波底五湖天別是
秋光一片 竹葉醅浮綠釀桃花浪清紅鮮醉鄉日月
武陵邊管甚陵遷谷變

浪淘沙

今古海山情月牖雲扃潛教小玉報雙成整頓羅衣斜
斂出門外嬌迎 燈暗酒微醒鬢亂釵橫一春心事語
丁寧明夜閑衾容易冷誰復卿、

又

青鑠幾窺容帶結心同臨鸞誰與畫眉峰自恨尋芳來
較晚辜負春紅 無物比情濃無計相從殷勤心事若
為通留得青衫前日淚彈滿西風

又

行路古來難似得還山、間終是勝人間風月琴尊應
不羨塵土征鞍 何處世來閑白下長干一看春事又

闌珊 缺二句

朝中措

燕忙鶯亂闌尋芳誰得一枝香自是玉心皎潔不隨花
柳漂揚 明朝去也燕南趙北水遠山長都把而今歡
愛留教後日思量

又

娃兒十五得人憐
金雀髻垂肩已愛盈
翠袖更堪小
小花鈿
江山在眼賓朋滿
座有酒如川未便芙蓉帳
底且教玳瑁筵前

又

田家秋熟辦千倉
造物恨難量可惜一川禾黍不禁滿
地螟蝗
委填溝壑流離道路老幼堪傷
安得長安毒
手變教四海金穰

又

蒼松隱映竹交加
千樹玉梨花好箇歲寒三友更堪紅

白山茶
一時折得銀瓶插
看相映烏紗明日扁舟東

去夢蒐江上人家

又

東華門外軟紅塵
不到水邊村任是和羹傅鼎爭如漉
酒陶中
三年浪走有心遯世無地栖身
何日團欒兒
女小牕燈火相親

清平樂

詠木犀花

碧雲葉底萬點黃金蕊
更看薔薇清露洗澤國秋光如
水
餘生牢落江南幽香鼻
觀曾參見說小山招隱夢

魂夜：雲巖

又

詠水仙花

玉肌消瘦徹骨熏香透不是銀臺金盞酒愁殺天寒翠
袖遺珠恨望江臯飲漿夢到藍橋露下風清月慘相
思魂斷誰招

又

李仁山檻中蟠桃梅

前村瀟洒雪徑人回駕一檻誰移春造化鬱：香浮月
下青綾半護冰姿宛然臨水開時說與綠毛么鳳不

妨倒挂亂枝

又

李仁山次韻自注蟠梅來自杭和靖詩句得於孤
山也

瑤英輕洒姑射飄仙駕巧奪孤山能變化天嬌飛來月
下絕憐玉骨清姿不隨紅紫芳時要識天然標格竹
籬茅舍橫枝

又

瑩篔小字夢覺參差是不種仙家白玉子著甚消好
事桃花門外重：一言半語相通縈損題詩雀護幾

回南陌春風

又

朱顏漸老白髮添多少桃李春風渾過了留得桑榆殘
照江南地迥無塵老天一片閒雲戀殺青山不去青
山未必留人

又

同施景悅賭雙陸不勝戲作

閑尋博奕飽飯消長日自笑家儲無甌石百萬都教一
擲平生酒聖詩豪韋娘局上相嘲今日風流磨折翠
裘輸與緼袍

點絳脣

翠水瑤池舊遊曾記飛瓊伴玉笙吹斷總作空花觀
夢裏關山淚挹羅襟滿離魂亂一燈幽慢展轉秋宵半

小桃紅

歌姬趙氏常為友人賈子正所親携之江上有數
月留後予過鄧往來侑觴感而賦此俾即席歌之
雲鬟風鬢淺梳妝取次尊前唱比著當時江上減容光
故人別後應無恙傷心留得軟金羅袖猶帶賈充香

踏莎行

詠雪

凍結南雲寒風朔吹紛、六出飛花墜海仙剪水看施
工仙人種玉來呈瑞 梅萼清香竹梢點地畫闌倚濕
湖山翠先生方喜就烹茶銷金帳裏人何醉

風入松

詠紅梅將橙子皮作酒杯

使君高宴出紅梅腰鼓揭春雷更將紅酒澆濃艷風流
夢不負花魁千里江山吳楚一時人物鄒枚 軟金杯
襯硬金杯香挽洞邊回西溪不減東山興歡搖動北海
尊壘老我天涯倦客一杯醉玉先頽

浣溪紗

酒間贈金禪師時近六旬頭白如雪

世事方艱便猛回叢竹佳處得栽培花光別有一枝梅
頭似雪盈都復添心如風篆也無灰生前相遇且銜

杯

天籟集卷下終

附錄

蘭谷先生像贊

孫大雅

堯舜在上巢許在下箕頴清風千載可亞如谷之虛如
蘭之馨不為利往不求幸生降志辱身依隱玩世孰識
其全以卒於義

曹安

猗嗟先生挺生前代肥遯林泉才華超邁富有文辭名
曰天籟深谷之蘭芬芳猶在遺像子孫載瞻載拜

水調歌頭 擬白蘭谷

李道純

三元秘秋水微密實難量未分清濁天地人物一包藏

一乃太玄真水二氣由茲運化三極理全彰上下降升
妙根本在中黃 兔懷胎牛喘月蚌含光人明此理倒
提斗柄岸銀潢絕斷曹溪一派掀倒蓬萊三島無處不
仙鄉誰為白蘭谷安寢感羲皇

酌江月

陳 霆

滑稽玩世知包藏多少春花秋月天籟有詞人有像還
似遺山風節松下巢由竹間逸少氣韻真高潔坐間撫
掌溪山等是詩訣 見說多景樓前鳳凰臺上醉獨風
吹裂千百英豪消歇盡江水至今悲咽萬里投荒三年
坐困一樣家愁絕寄聲知否一杯當酌江雪

天籟集後序

余以洪武甲寅春掾姑孰郡文學時真定白溟子南分
教諸生間示其祖蘭谷先生天籟集謹按先生諱樸字
仁甫後改字太素姓白氏號蘭谷金季寓齋先生樞密
院判之子也寓齋生三子先生其仲子也先生、長兵
間流離竄逐父子相失遂鞠於元遺山先生所遺山教
之成人始歸其家先生少有志天下已而事乃大謬顧
其先為金世臣既不欲高蹈遠引以抗其節又不欲使
爵祿以汙其身於是屈已降志玩世滑稽徙家金陵從
諸遺老放情山水間日以詩酒優游用示雅志以忘天

下詩詞篇翰在、有之是編計詞二百餘首名天籟集
兵燹散失其孫溟得之姑孰士大夫家傳寫失真字多
謬誤余既考訂一二歸之以名赴京復求語以叙之余
惟先生詞章翰墨揮洒奮迅出於天下既以得名當時
板行於世余又何足以輕重哉然又不可以不一言者
先生出處大節微而婉曲而肆庸人孺子所不能識非
志和龜蒙林君復往而不返之儔可同日語故序以著
其出處之大略云

洪武丁巳春二月國學助教江陰孫大雅序



